



INFORMASHON

Fecha
29 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Kontrolá barkunan ku ta registrá na Kòrsou i ku ta nabegá rònt mundu

Outoridat Marítimo di Kòrsou tin e tarea pa kontrolá barkunan ku ta registrá na Kòrsou i ku ta nabegá rònt mundu

Un barku por registrá aki na Kòrsou den e registro di kadaster. Ora e barku registrá akinan, e ta risibí un asina yama zeebrief. Pa e risibí e zeebrief aki, e mester kumpli promé ku reglanan di konstrukshon, seguridat i e aspektonan di e tripulashon tambe mester ta na òrdu.

E reglanan aki ta stipulá den e lei di barku (schepenwet) i tambe den diferente dekreto nashonal ku nos Outoridat Marítimo di Kòrsou ta ehekutá i kontrolá. Aspektonan di nashonalidat, konstrukshon i seguridat di barkunan ta stipulá den artíkulo 3 di e Statuto di Reino. E tareanan aki ta tareanan ku Reino Hulandes ta responsabel pe i nan ta enkargá Outoridat Marítimo di Kòrsou ku nan.

Pa sa sigur ku e barkunan ta kumpli ku tur e reglanan, MAC ta hasi kontròl riba e barkunan regularmente òf ta laga kompanianan di afó hasi e kontròlnan nesenario. Ora ku e barkunan ta kumpli ku tur aspekto di seguridat, nan ta risibí un sertifikado. MAC tin e tarea tambe di registrashon di barkunan i aspektonan di e tripulashon. E aña aki, MAC lo introdusí un akuerdo marítimo internashonal nobo ku ta trata mehorashon di sirkunstansianan di trabou pa tur persona ku ta traha riba barku.

Barkunan ku ta registrá na Kòrsou, i ku tin pues un zeebrief di Kòrsou, tin nashonalidat hulandes. Pa e motibu aki, nan ta karga e bandera hulandes. Aktualmente tin mas ku 300 barku registrá na Kòrsou. Kada barku ku registrá ta paga pa e servisionan ku e ta risibí serka MAC. Otro instansianan di Gobièrnu tambe ta benefisiá di tin barkunan registrá na Kòrsou, mirando ku nan mester paga pa registrashon na Kadaster, i tambe belasting di 'tonnage', ku ta un belasting speshal pa barkunan.